

Քաղաքացիների իրավունքների պաշտպանության բնագավառում

-Համայնքի բնակիչների օրինական շահերը պաշտպանելու նպատակով 320 անգամ հանդես եմ եկել տարբեր միջնորդություններով կադաստրի տարածքային ստորաբաժանումներում, նոտարական գրասենյակում, ոստիկանության բաժանումներում, քաղաքացիական կացության ակտերի գրանցման բաժնում և այլ կազմակերպություններում:

-Կատարել եմ համայնքի բնակիչ հանդիսացող 225 անձանց ընդունելություն, քննարկել բոլոր դիմումները, բողոքները, առաջարկությունները, որոնցից 190-ին տրվել է դրական լուծում:

-Աշխատակազմի միջոցով կատարել ենք համայնքի 4 ընտանիքների ընտանեկան նպաստի համակարգում փաստագրման աշխատանքները, ինչպես նաև ազգաբնակչության ամենամյա սեռա-տարիքային հաշվառման աշխատանքները:

-Հրավիրել եմ «Խնամակալության և հոգաբարձության հանձնաժողովի 1 նիստ, քննարկվել են համայնքի անապահով և ծնողազուրկ երեխաների իրավունքների պաշտպանության, դաստիարակության, ուսման հետ կապված հարցեր, տրամադրվել է դրամական օգնություն:

-Փաստաթղթերի պատճեններ, քաղվածքներ, տեղեկանքներ եմ տրամադրել համայնքի 335 բնակիչների: Օժանդակել եմ գյուղացիական տնտեսություններին բանկերից ֆինանսական կազմակերպություններից գյուղատնտեսական վարկեր ստանալու նպատակով: Արձակել եմ 6 կարգադրություն, ընդունել 74 որոշում, հրավիրել և վարել եմ համայնքի ավագանու 9 նիստ:

Ֆինանսների բնագավառում

Աշխատակազմի միջոցով կազմել և ավագանու նիստի հաստատմանն եմ ներկայացրել Երասխահունի համայնքի 2018թվականի բյուջեի նախագիծը, ինչպես նաև աշխատակազմի թվաքանակը, հաստիքացուցակը և պաշտոնային դրույքաչափերը, տեղական տուրքերի և վճարների դրույքաչափերը:

Ապահովել եմ բյուջեով նախատեսված եկամուտների հավաքագրումը, տնօրինել բյուջեի միջոցները՝ ապահովելով դրանց նպատակային օգտագործումը, ստորագրել բոլոր ֆինանսական փաստաթղթերը:

-Կազմակերպել և աշխատակազմի միջոցով իրականացրել եմ տարեկան կտրվածքով նախատեսված.

շենքերի գույքահարկի գանձումը	25,5հազ. դրամ	18%
հողի հարկի գանձումը	7550.0հազ. դրամ	100%
վարձակալական հողի վարձը	150,0հազ. դրամ	100%
խմելաջրի վարձավճար	1917,0հազ. դրամ,	93%
Տեղական տուրքը	476,0հազ. դրամ	53%
ավտոմեքենաների գույքահարկ	2558,0հազ.դրամ	106%

Աշխատակազմի միջոցով կազմել և ավագանու նիստի հաստատմանն եմ ներկայացրել Երասխահունի համայնքի 2018 թվականի բյուջեի մեջ կատարվելիք անհրաժեշտ փոփոխությունները :

Պաշտպանության բնագավառում

- Աջակցել են գարնանային և աշնանային զորակոչերին, զինկոմիսարիատից ստացված 26 ծանուցագրերը հանձնվել է զորակոչիկներին, ապահովել նրանց ներկայանալը զինկոմիսարիատ, որոնցից 10 մեկնել են ժամկետային ծառայության: Աշխատանքներ են տարվել հետախուզման մեջ գտնվող 5 զորակոչիկների գտնվելու վայրը հայտնաբերելու ուղղությամբ, որպեսզի ոչ ոք չխուսափի զինվորական ծառայությունից:

Համապատասխան որոշումներով ստեղծվել է համայնքի արտակարգ իրավիճակներում ազգաբնակչության տարահանման հանձնաժողով և հաստատվել է համայնքի քաղաքացիական պաշտպանության պլանը:

-Կազմակերպել և անցկացրել ենք համայնքի ազգաբնակչության 2 սեմինար դասընթաց և 2 գործնական վարժանք համայնքի քաղաքացիական պաշտպանության պլանի արտակարգ իրավիճակներում բնակչության տեղահանման սխեմայի սահմաններում: Համապատասխան կարգադրություններով և որոշումներով վերանայել և համալրվել են նախատեսված ջոկատների և օղակների կազմերը, անցկացվել է անհրաժեշտ տրանսպորտային, և այլ նյութական պարագաների տեխնիկական և ստուգման աշխատանքները: Աջակցել են պատերազմի վետերանների սոցիալական առողջապահական և այլ բնույթի խնդիրների լուծմանը մայիսի 9 –ի օրվա կապակցությամբ երիտասարդների հայրենասիրական դաստիարակության ծրագրի շրջանակում համայնքի ավագանու թույլտվությամբ անցկացրել են միջոցառում հրավիրելով պատերազմի վետերաններին և արցախի ազատամարտիկներին, հանձնել ենք նվերներ և դրամական պարգևներ :

Քաղաքաշինության և հողօգտագործման բնագավառում

Կազմել և համայնքի ավագանու հաստատմանն են ներկայացրել համայնքի հողերի օգտագործման, գոտիավորման սխեմաներն ու համայնքի գլխավոր հատակագիծը: Համայնքի ավագանու սահմանած կարգով և սահմանած վարձավճարների համապատասխան որոշումներ են կայացրել համայնքի սեփականություն հանդիսացող 11 հա գյուղնշանակության վարելահողը համայնքի բնակիչներին վարձակալությամբ հատկացնելու մասին, մրցույթում հաղթող ճանաչված բնակիչների հետ կնքել ենք հողի վարձակալությամբ պայմանագրեր:

Ապահովել են համայնքի հողատարածքների օգտագործումը և շահագործումը ըստ դրանց նպատակային և գործառնական նշանակության, ձեռնարկել մշակվող հողերի բերրի շերտի պահպանման, աղակալումից, էռոզիայից զերծ պահելու համար: Կրճատվել են չմշակվող գյուղատնտեսական նշանակության հողերի քանակը ամբողջությամբ, ներկայումս չմշակվող գյուղնշանակության հողատարածքներ գրեթե չկան: Ամենօրյա աջակցություն են ցուցաբերել համայնքում իրականացված շինարարական աշխատանքներին՝ մասնավորապես միջնակարգ դպրոցի շենքի հիմնանորոգման, համայնքի տարածքով անցնող միջպետական ավտոմայրուղու, համայնքային ենթակայության ավտոճանապարհի, համայնքի ոռոգման ներտնտեսային ցանցի ջրատարների կառուցապատման, հիմնանորոգման, մասնակի վերանորոգման աշխատանքներին: Անմիջական վերահսկողություն են սահմանել համայնքի սեփականություն հանդիսացող անշարժ և շարժական գույքի պահպանման նկատմամբ, ինչպես նաև ֆիզիկական և իրավաբանական անձանց պատկանող հողերի պահպանմանը, դրանց օգտագործմանը ըստ նպատակային նշանակության, մատուցվել է մասնագիտական խորհրդատվական ծառայություն,

նվազել է չմշակվող հողատարածքների քանակը և համայնքում առկա 530 հա. գյուղնշանակության հողերից 2018 թվականին չմշակվող հողատարածք գրեթե չի մնացել: Կազմվել և համայնքի ավագանուն և կադաստրի ստորաբաժանման հաստատմանն են ներկայացրել համայնքի 2018 թվականի հողային հաշվեկշիռը : Աշխատակազմի միջոցով կազմակերպել են համայնքի սեփականություն հանդիսացող գույքի գույքագրման աշխատանքները, կազմել համապատասխան փաստաթղթերը և ներկայացրել համայնքի ավագանու հաստատմանը :

Կոմունալ տնտեսության և բարեկեցության բնագավառում

-Համայնքի միջոցների հաշվին ամիսը 4 անգամ կատարվել է համայնքի տարածքի աղբահեռացման աշխատանքները, հնարավորինս բարեկարգվել են բավականին թվով փողոցներ, մեծ մասը ավագապատվել են:

-Կատարել ենք համայնքի խմելաջրի խողովակաշարի առանձին հատվածների վերանորոգման աշխատանքները, ամենօրյա վերահսկողություն է իրականացվում խմելաջրի նպատակային օգտագործմանը և խնայողությանը, ազգաբնակչությանը ապահովել ենք շուրջօրյա խմելաջրով :

-Վարձել են գյուղի գերեզմանատան պահակ, որը միաժամանակ իրականացնում է մաքրման և բարեկարգման աշխատանքները, լուծված է խմելաջրի և լուսավորման հարցը: Աջակցություն են ցուցաբերել համայնքում գազաֆիկացման աշխատանքները կատարելիս, այս տարի գազաֆիկացվել է ևս 10 առանձնատուն:

Տրանսպորտի և կապի բնագավառում

Ապահովել են «Վիվա Սել-ՄՏՍ» ընկերության շարժական գրասենյակի պարբերաբար այցելուները համայնք, որը տեղում տարաբնույթ ծառայություններ է մատուցում բաժանորդներին, հեռախոսահամարների փաթեթային համակարգում ընդգրկել ենք ևս 14 բնակիչների, որի սակագինը 8 անգամ էժան է սովորականից:

-Օժանդակել ենք համայնքում առկա տրակտորների և այլ գյուղտեխնիկայի վերանորոգման աշխատանքներին, որպեսզի գյուղատնտեսական աշխատանքները իրականացվեն ժամանակին:

Առևտրի և սպասարկման բնագավառում

Կատարել ենք թվով 3 առևտրի, կենցաղային սպասարկման օբյեկտների ստուգման աշխատանքները, կազմել տեղեկանքները և արձանագրությունները որոնցից մեկական օրինակ տրվել են համապատասխան կազմակերպություններին և անհատ ձեռներեցներին: Կազմել ենք կիսամյակային և տարեկան հաշվետվությունները և ներկայացրել Արմավիրի մարզպետարան:

-Տրվել է ոգելից խմիչքի և ծխախոտի արտադրանքի վաճառքի 2 թույլտվություն, իրականացրել ենք համայնքում գործող առևտրի կետերի ստուգման աշխատանքները, կազմել համապատասխան արձանագրություններն ու տեղեկանքները:

Հասարակական կարգի պահպանության բնագավառում

-Մշտական օժանդակություն ենք ցուցաբերել համայնքի տարածքը սպասարկող ոստիկանության աշխատակիցներին հասարակական կարգը

պահպանելու, վարչական և քրեական իրավախախտումները բացահայտելու, կանխելու նպատակով:

-Ոստիկանության աշխատակիցների հետ համատեղ մշակել և իրականացրել ենք միջոցառումներ հատկապես երիտասարդների մոտ գողության, խուլիգանության, թմրամոլության և այլ տեսակի իրավախախտումների կանխարգելման նպատակով:

Պարբերաբար ոստիկանության աշխատակիցներից տեղեկություններ ենք ստացել համայնքում կատարվող իրավախախտումների վերաբերյալ, ձեռնարկել անհրաժեշտ միջոցառումներ: Վարչական իրավախախտումների համար պատասխանատվության եմ ենթարկել համայնքի 6 բնակիչների: Համայնքում առկա 2 հանրակացարանային մասնաշենքերի մուտքերի փայտաշեն դռները փոխարինվել են մետաղյա դռներով , շքամուտքերը և շրջակա տարածքը ապահովվել է գիշերային լուսավորությամբ , գողության դեպքերը բացառելու նպատակով :

Կրթության, մշակույթի և երիտասարդության հետ տարվող աշխատանքների բնագավառում

-Համայնքի երիտասարդների համար 2 անգամ կազմակերպել ենք համերգ-միջոցառում, տրամադրել համերգի տոմսերը:

Համայնքի միջոցների հաշվին ստեղծել ենք հայկական ժողովրդական և ազգագրական պարի խմբակ, որտեղ սովորում են համայնքի շուրջ 30 երեխաներ:

Աջակցել են միջնակարգ դպրոցի բնականոն գործունեությանը, դպրոց հաճախելուց խուսափող երեխաների և նրանց ծնողների հետ տարել բացատրական աշխատանքներ, հետևել ուսման որակի և կրթամակարդակի բարձրացմանը: Ամեն կերպ օժանդակել ենք միջնակարգ դպրոցի հիմնանորոգման և վերանորոգման աշխատանքների, հիմնովին փոխվել են տանիքը, պատուհանները, դռները, կատարվել են ներքին և արտաքին հարդրման աշխատանքները ինչը իր հերթին նպաստում է ուսման և կրթամակարդակի բարձրացմանը: Դպրոցի աշակերտներին համայնքի բյուջեից տրամադրել ենք Ամանորի կապակցությամբ համերգի տոմսեր և նվերներ: Միջնակարգ դպրոցում գործում է նախակրթական ուսումնական 2 խմբակ , որից մեկը գործում է համայնքի բյուջեի միջոցների հաշվին:

Առողջապահության, ֆիզկուլտուրայի և սպորտի բնագավառում

-Օժանդակել ենք համայնքի բուժկետի բնականոն գործունեությանը, լուծել էլեկտրաէներգիայի և ջեռուցման խնդիրները, բնակիչները ստանում են որակյալ մատչելի բուժօգնություն: Կազմակերպել արևելյան մարտարվեստի պարապմունքներ շուրջ 20 պատանիների համար, որոնցից շատերը մարզային, հանրապետական մրցաշարերում գրավել են մրցանակային տեղեր և իմ կողմից արժանացել դրամական խրախուսանքի:

Գյուղատնտեսության բնագավառում

-Աշխատակազմի միջոցով աջակցել են համայնքի բոլոր հողօգտագործող տնտեսություններին շուրջ 550 հա. ցանքատարածությունների վրա գարնանային և աշնանային գյուղատնտեսական աշխատանքներին նախապատրաստվելիս և իրականացնելիս, մասնավորապես սերմացուների, մատակարարման գործում, գյուղտեխնիկայով ապահովելու հարցում, կատարվել է որակյալ աշնանացանք, հացահատիկի բերքահավաքը, բանջարաբուստանաին կուլտուրաների բերքահավաքը և իրացումը: Կատարել ենք համայնքում առկա բոլոր տեսակի անասունների և թռչունների պրոֆիլակտիկ բուժման և վակցինացման աշխատանքները: Հողագործությամբ զբաղվող մենատնտեսների համար կազմակերպել են դասընթացներ «Հազարամյակի մարտահրավեր հիմնադրամ «Հայաստան» գրասենյակի կողմից ֆինանսավորվող «Ջրից դեպի շուկա» ծրագրի շրջանակներում, ևս 18 մենատնտես ստացել են որակյալ ուսուցում և վկայական: Կատարել ենք համայնքում առկա բոլոր տեսակի անասունների և թռչունների սեռատարիքային հաշվառման աշխատանքները, կազմել բոլոր հաշվետվությունները և ներկայացրել վիճակագրական գործակալությանը: Համայնքում ռոտզման ջրի սակավության պատճառով չէր ռոտզվում շուրջ 10 հա. գյուղատնտեսական նշանակության հողատարածք: Այդ նպատակով միջնորդությամբ հանդես ենք եկել «Ջրային տնտեսության պետական կոմիտեի ԾԻԳ գրասենյակում» համայնքում թվով 1 հատ խորքային հորի հորատման համար, ներկայումս աշխատանքները ավարտվել են և հողօգտագործողները հնարավորություն կունենան կատարել գարնանացանը վերոհիշյալ հողատարածքների վրա: Բացի այդ հորատվող հորերի սպասարկման համար կառուցվել է 2 կմ. –ից ավելի բետոնե կիսախողովակներով ջրանցք, որպեսի բացառվի ռոտզման ջրի կորուստը: Աջակցել և խիստ հսկողություն ենք սահմանել համայնքում առկա բոլոր տեսակի անասունների վակցինացման և պրոֆիլակտիկ բուժման աշխատանքները կատարելիս:

Աշխատակազմի միջոցով կատարել ենք համայնքի բոլոր ցանքատարածությունների, բազմամյա տնկարքների և այլ մշակաբույսերի տարածքների և միջին բերքատվության քանակի հաշվառման աշխատանքները, կազմել համապատասխան հաշվետվությունները:

Համայնքի շուրջ 55 հա գյուղատնտեսական նշանակության հողատարածքների վրա կատարել ենք մկնանման կրծողների դեմ պայքարի աշխատանքներ ցինկի ֆոսֆիդի պատրաստուկով: Կազմակերպել են գարնանը տնտեսություններին տրամադրված սերմացուների, պարարտանյութերի բաշխման և հաշվառման աշխատանքները, մատուցել ենք մասնագիտական խորհրդատվական ծառայություն բոլոր հողօգտագործողներին մշակման, հիվանդությունների դեմ պայքարի, հողատարածությունների ռոտզման աշխատանքները կատարելիս:

Արմավիրի մարզի Երասխահուն համայնքի

ղեկավար՝

Արմեն Ավետիսյան

17.01.2019թ.